



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

KOMUNICADU IMPRENSA

Sorumutuk Konsellu Ministru Loron-27 fulan Fevereiru tinan 2019

Konsellu Ministru hala'o Sorumutuk iha Palásiu Governu, iha Díli no aprova proposta Dekretu Governu, ne'ebé mak apresenta hosi Ministra Finansas ein ejersísio, Sara Lobo Brites, kona-ba ezekusaun Orsamentu Jerál Estadu nian (OJE) ba tinan 2019. Ho diploma ida-ne'e, aprova ona norma no prosedimentu ezekusaun, monitorizasaun no reporte ne'ebé bele aplika ba OJE ba tinan 2019 nian, importante tebtebes tanba bele halo akompañamentu ida rigorozu no adekuaudu ba ezekusaun orsamentál, hanesan instrumentu ne'ebé di'ak liu hodi bele kumpri loloos prinsípiu no liña orientadora sira ne'ebé hatuur ona iha OJE ba tinan 2019.

Konsellu Ministru aprova proposta Dekretu-Lei ne'ebé regula rejime jurídiku ba operasaun petrolífera *onshore*, ne'ebé mak apresenta hosi Autoridade Nasionál Petróleo no Minerais Timor-Leste (ANPM). Dekretu-Lei ne'ebé aprova ona no kria rejime jurídiku espesial ba esplorasau no produsaun petróleo no gas natural (*upstream*) iha zona terrestre (*onshore*) Timor-Leste nian, bazeia ba artigu 31º kona-ba Lei Atividade Petrolífera no hodi konsidera importansia hosi Dekretu-Lei ida-ne'e ba promosaun direitu ajente ekonómiku ka konsumidor no utilizador sira ba bein no servisu industria petrolífera no mós hodi asegura operasaun petrolífera no *onshore* ne'ebé mak realiza ho danus mínimu ba meu ambiente, hodi fó prioridade katak tenke haree ba ema nia saúde no seguransa, no konsistente ho prátika industria ne'ebé di'akliu.

Ikus Liu, Governo analiza proposta, apresenta hosi Ministériu Negósius Estranjeirus no Ministériu Obras Públikas, kona-ba alterasaun Akordu Subsidiáriu ne'ebé celebra ho Governu Austrália ba projetu "Estrada ba Dezenvolvimentu" (Road fo Development-R4D) Faze II (daruak). Governu Timor-Leste nia programa ida-ne'e, hahú ona iha tinan 2012, sura ho apoiu tékniku hosi Governu Austrália no mós Organizasaun Internasionál Traballu (OIT) ho objetivu atu fó benefísiu sosiál no ekonómiku ba



Palácio do Governo,
Avenida Presidente Nicolau Lobato,
Díli, Timor-Leste



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

populasaun sira iha área rural liuhosi jestaun no hadi'ak kondisaun rede ba estrada rural nasionál sira. Ho Projetu ida-ne'e reabilita ona estrada 552km, kria ona laboratóriu sira hodi halo teste ba rai iha munisípiu barak no mós promove asaun dezenvolvimentu kapasidade hosi setór privadu no públiku ba jestaun, reabilitasaun no konstrusaun estrada. Durante faze daruak, programa ida ne'e hakarak fó apoiu ba estabelesimentu Forum Inter-Ministerial ba estrada, dezenvolvimentu política Estrada Rural no implementasaun sistema padraun ba dezeńu no konstrusaun estrada rural hodi aseguara nia qualidade. Alterasaun ba Akordu Subsidiáriu ba faze II hosi programa "Estrada ba Dezenvolvimentu" sei analiza filafali iha reuniaun tuirmai.* **REMATA**

** Tan lapsu ami fó-sai tiha iha komunikadu imprensa (versaun dahuluk) ne'ebé publika no fahe ona iha lora-27 fulan febreiru ne'ebé dehan katak proposta ne'e aprova ona maibé, husu atu konsidera komunikadu imprensa versaun ida-ne'e (versaun daruak) hosi reuniaun Konsellu Ministru iha lora-27 fulan febreiru 2019.*



Palácio do Governo,
Avenida Presidente Nicolau Lobato,
Dili, Timor-Leste